

यूहन्ना क दूसरी पत्र

मई बुजुर्ग कईती स उ चुनी भइ स्त्री जउने क परमेस्सर चुने अहइ, अउर ओकरे बचवन क पिरेम करित हउँ जउन सच्चाई क भागीदार अहई,

मई तुहिन अकेले स पिरेम नाहीं करित, मुला ओन सबे तोह सबन स पिरेम करित हीं जउन सच्चाई क जान लिहे अहई। 2इ उही सच्चाई क कारण भवा बाटइ जउन हमरे में बना रहत ह अउर जउन हमेसा हमरे साथे रही।

3परमपिता परमेस्सर कईती स ओकर अनुग्रह दाया अउर सान्ति हमेसा हमरे साथे रही अउर परमेस्सर क पूत ईसू मसीह कईती स सच्चाई अउर पिरेम में हमार जगह बनी रही।

4तोहारे बचवन क उ सच्चाई क हिसाब स जीवन जिअत देखिके मोका बहुत आनन्द भवा। काहेकि उ हुकुम परमपिता स हमका मिला ह अउर उ सबइ, सच प चलत ही। 5अउर ऐ पिआरी स्त्री, मई तोहका कउनउ नया आदेस नाहीं देत अहउँ, प उहइ जउन प्रारम्भ स हमे मिला अहइ। हमका एक दूसरे क साथे पिरेम करइ चाही। 6पिरेम क मतलब इहइ आटइ कि हम ओकरे आदेसन क पालन करी। इ उहइ आदेस आटइ जउने क तू सुरु स सुन्या ह कि तोहका सबन क पिरेम क साथ जियइ चाही।

7दुनिया में बहोत झूठे उपदेसकन तमाम फइला पड़ा अहई। वे धोखा देइवालन इ नाहीं मानतेन कि इ धरती प मनई क रूप में ईसू मसीह आवा अहइ, उ ठग आटइ अउर मसीह क विरोधी आटइ। 8अपने प्रति सावधान रहा, अइसा न होइ कि जउन कछू कमाए अहा, ओका गँवाइ द्या, वरन एकर प्रतिफल तू पचे प्राप्त करा।

9जउन मनई मसीह क बावत दीन्ह सच्चे उपदेस में टिका नाहीं रहत, उ परमेस्सर क नाहीं पाइ सकत। अउर जउन ओकरे उपदेस अउर क मानत ह, ओकरे पास परमपिता अउर बेटवा दुइनउ रहत ह। 10जदि कउनउ मनई तोहरे घरे में आवत ह, अउर इ उपदेस नाहीं मानत, तउ ओका अपने घरवा में न आवइ द्या, अउर न नमस्कार करा। 11काहेकि जे अइसे मनई क स्वीकार करत ह, उ ओकरे बुरे कामन में हिस्सेदार होइ जात ह। 12तोहका लिखइ क वास्ते मोरे लगे बहुत सी बातन अहई मुला ओन सबन क कलम दवात स मई लिखइ नाहीं चहित मुला मोका इ आसा अहइ कि तोहरे सामने आइके आमने सामने बइठिके तोहसे बात करउँ। जेहसे कि हमार आनन्द पूरा होइ जाइ। 13तोहरी परमेस्सर द्वारा चुनी भइ बहन* क बचवन तोहका नमस्कार अहई हीं।

बहन हिआँ बहन स अरथ उ ठउरे क कलीसिया स मालूम पड़त ह, जहाँ स यूहन्ना इ चिट्ठी लिखेस ह अउर 'बेटे, बिटियन, स अरथ अहइ उ कलीसिया क निअम्बर स जउन पैलंगी पठवत अहई।